



Communicaziun a las medias

Ils emprims pass – in curs da rumantsch en 10 lecziuns divertentas

Cuiria, ils 22-06-2017 – “Co vai?” ubain “Danunder vegns ti?” - quai èn savens emprims pass, las emprimas construcziuns cura ch’ins emprenda rumantsch. A partir dals 27 da zercladur 2017 pon Na-Rumantschas e Na-Rumantschs far lur emprimas experientschas cun la lingua rumantscha cun tadar la nova emisiun “Emprims pass” dal Radio Rumantsch.

Ensemen cun la magistra ed actura Marina Blumenthal fan Stefan Tschärner e Danilo Bavier, dus novs collavuradors da RTR che na discurren anc betg rumantsch, questa stad lur emprimas experientschas cun il rumantsch. Lur capriolas linguisticas e volvalieungas acrobaticas èn d’udir questa stad a partir dals 27 da zercladur mintga mardi a las 10.15 al Radio Rumantsch.

Dapli infurmaziuns

Radiotelevisiun Svizra Rumantscha, Via da Masans 2, 7000 Cuiria
Tamara Deflorin, scheffa communicaziun, tel. 081 255 75 09, tamara.deflorin@rtr.ch